

清季外交史

卷

四

十

九

卷

清季外交史

清季外交史料卷九十五

光緒二十年八月上

目錄

直督李鴻章奏遵旨覆陳遴選海軍統將摺附旨八月初一日

直督李鴻章致樞垣葉志超報到平壤後布置攻防事宜電初一日

臺撫邵友濂奏籌備海防及布置情形並懇撥的款摺初一日

臺撫邵友濂致樞垣報臺境布防並策應澎湖電初一日

諭戶部及李鴻章據劉坤一奏募兵萬人着籌撥餉械電初二日

諭吳大澂着到威海後候旨遵行電初三日

旨寄李鴻章龔使所購阿摩士船着照議辦理電初三日

旨寄邵友濂着楊岐珍總統基隆滬尾各軍電初三日

直督李鴻章致樞垣葉志超電日增兵運械至平壤我軍兵單請調

後路各營速進電二件初六日

直督李鴻章致樞垣報日船載兵及械至仁川聲勢浩大電初六日

總署致許景澄聞俄艦進發朝鮮希探覆電初六日

江督劉坤一致總署日欲封滬製造局已嚴防電初九日

旨寄李鴻章據奏威海後路緊要着與吳大澂參酌形勢辦理電初

九日

直督李鴻章致樞垣葉電日兵水陸交攻已飭周馥袁世凱往辦糧

臺電二件十一日

直督李鴻章致樞垣吳大澂報布置威海一帶防務電十一日

直督李鴻章致樞垣日犯平壤安州派兵扼要堵勦電十一日

軍機處致李鴻章我軍利於速戰應奮力合勦希詳速妥籌並覆奏

電十四日

旨寄李鴻章着將許景澄所購鎗礮價款匯付電十四日

旨寄李鴻章着令葉志超節制調遣平壤前敵諸軍電十五日

使俄許景澄致總署購定鎗彈即起運電十六日

直督李鴻章致總署倫敦電韓日立約合攻中國韓欲自主電十六日

直督李鴻章致樞垣聶士成電日擾我運道斷我電線包圍平壤電

十六日

直督李鴻章致樞垣葉電平壤危迫已派宋慶往援電十七日

直督李鴻章致樞垣宋慶電奉命督師義州須餉械不缺方敢應命

電十七日

直督李鴻章致樞垣丁汝昌電與日戰於大東溝我艦傷燬四隻擊

沉日三船又龔照輿報丁提督受傷電

二件十八日

直督李鴻章致樞垣日大隈條陳攻奪東三省待山縣有朋至廣島

進攻電

十九日

直督李鴻章致樞垣義州電左馬受傷及呂本元擊散日兵電

十九日

旨寄李鴻章平壤後路日兵愈多瀋陽重要着飭各軍勦辦並令宋

慶迅赴義州合攻電

二件十九日

旨寄李鴻章着令丁汝昌催齊各艦以備再戰並擢用林同祥電

二

件二十日

直督李鴻章致樞垣旅順電稱鴨綠江接仗我失四船藥彈皆盡傷
亡頗多電二十日

盛京將軍裕祿致樞垣九連城急報左豐有陣亡信防務萬緊已嚴
密籌佈電附旨二十一日

直督李鴻章致樞垣葉電平壤血戰連獲大勝因糧絕彈盡退出請
將各員分別懲處電二十一日

直督李鴻章致樞垣請留宋慶駐旅順候旨電二十一日

閩督譚鍾麟致樞垣報香港北洋借款均未成電二十一日

直督李鴻章致樞垣劉盛休電請留銘軍在鴨綠江西岸布防電二

十一日

黑龍江將軍依克唐阿奏遵旨移紮奉天請募兵遏敵電二十一日

旨着李鴻章迅籌義州等處防務並令宋慶馳赴九連城與銘軍合

力防守電二件二十一日

直督李鴻章致樞垣丁汝昌報身受重傷請以劉步蟾代理電二十一日

使英龔照瑗致總署湄江上游甌脫地英外部請中法派員會勘電

二十一日

直督李鴻章奏軍情益急臣力難支據實瀝陳摺附懿旨二件二十二日

總署致龔照瑗滇緬界事請詢英外部願否三國會勘電二十四日

清季外交史料卷九十五

黃巖弢夫王彥威輯

男希隱亮編

孫孝章敬立校

直督李鴻章奏遵旨覆陳遴選海軍統將摺

直隸總督李鴻章奏爲遵旨據實覆陳事竊臣於七月二十七日准總理衙門電稱本日奉旨現在日船屢窺海口防勦統將亟須得人丁汝昌畏葸無能巧滑避敵難勝統帶之任嚴諭李鴻章於海軍將領中遴選可勝統帶之員於日內覆奏不得再以臨敵易將接替無人等詞曲爲迴護致誤大局等因欽此伏讀之下惶悚莫名北洋海軍是臣專責

提督丁汝昌疊被彈劾屢蒙諭旨垂詢當此軍事緊急之時果有遷延
避敵情事亟應隨時嚴叅斷不敢稍涉徇護惟現在密籌彼此情勢海
軍戰守得失不得不求保船制敵之方敬爲我皇上詳晰陳之查北洋
海軍可用者只鎮遠定遠鐵甲船二艘爲日船所不及然質重行緩喫
水過深不能入海汊內港次則濟遠經遠來遠三艦有水線甲穹甲而
行駛不速致遠靖遠二船前定造時號稱一點鐘十八海里近因行用
日久僅十五六海里此外各船愈舊愈緩海上交戰能否趨避應以船
行之遲速爲準速率快者勝則易於追逐敗亦便於引避若遲速懸殊
則利鈍立判西洋各大國講求船政以鐵甲爲主必以極快船隻爲輔
胥是道也詳考各國刊行海軍冊籍內載日本新舊快船推爲可用者

共二十一艘中有九艘自光緒五年後分年購造最快者每點鐘行二十三海里次亦二十海里上下我船訂購在先當時西人船機之學尙未精造至此僅每點鐘行十五至十八海里已爲極速今則至二十餘海里矣近年部議停購船械自光緒十四年後我軍未增一船丁汝昌及各將領屢次求添購新式快船臣仰體時艱欸絀未敢奏咨續請臣當躬任其咎日人心計譎深乘我力難添購之際逐年增益臣前於預籌戰備摺內奏稱海上交鋒恐非勝算即因快船不敵而言倘與馳逐大洋勝負實未可知萬一挫失即趕緊設法添購亦不濟急不必定與拚擊但令游弋渤海內外作猛虎在山之勢日尙畏我鐵艦不敢輕與爭鋒不特北洋門戶恃此無虞且威海仁川一水相望令彼時有防我

海軍來渡襲其陸兵後路之慮則日船不敢全離仁川來犯中國各口
彼之防護仁川各海口與我之防護北洋各海口情事相同觀於前次
我海軍大隊游巡大同江口彼卽乘虛來窺威海旅順迨我海軍回防
則日船卽日駛去敵情大概可知伏讀疊次電旨令海軍嚴防旅順威
海勿令攔入一步又令在威海大連灣煙臺旅順各處逡巡扼守不得
遠離等因聖明指示洞燭機宜至今恪遵辦理北洋門戶庶無竄擾之
虞蓋今日海軍力量以之攻人則不足以之自守尙有餘用兵之道貴
於知己知彼舍短用長此臣所爲兢兢焉以保船制敵爲要不敢輕於
一擲以求諒於局外者也至論海軍功罪應以各口能否防護有無疏
失爲斷似不應以不量力而輕進轉相苛責丁汝昌從前勦辦粵捻曾

經大敵迭著戰功留直後即令統帶水師屢至西洋藉資閱歷創辦海軍特蒙簡授提督情形熟悉目前海軍將才尙無出其右者各將領中如總兵劉步蟾林泰曾等階資較崇惟係學生出身西法尙能講求平日操練是其所長而未經戰陣難遽勝統率全軍之任且全隊並出功罪相同若提督以罪去官而總兵以無功超擢亦無以服衆心若另調他省水師人員於海軍機輪理法全未嫻習情形又生更慮僨事貽誤臣所不敢出也自來用兵謗書盈篋而卒能收功者比比皆是伏懇聖明體察行間情事主持定斷臣不勝迫切悚懼之至謹奏光緒二十年八月初一日奉旨電李鴻章前因海軍亟須得人丁汝昌畏葸無能屢經叅劾諭令李鴻章遴員接統茲據奏稱近來部議停購船械十四年

以後我軍未增一船前曾奏明海上交鋒恐非勝算今日海軍力量攻人不足自守有餘應遵旨嚴守威旅門戶可保禦敵制勝之計丁汝昌前勦粵捻迭著戰功創辦海軍情形熟悉目前海軍將才尙無出其右者總兵劉步蟾林泰曾未經戰陣難勝總統之任如另調他省人員更虞償事懇請主持定見等語丁汝昌着暫免議處由李鴻章嚴行戒飭

直督李鴻章致樞垣葉志超報到平壤後布置攻防事

宜電

葉志超電到平壤後就各軍分布前進留後大略擬俟盛軍呂本元馬隊到後卽派步隊五千赴黃州暫駐呂軍馬隊全駐中和左軍馬隊兩營駐祥原坊遏元山高原等處日兵來路兼爲黃州聲援另派步隊數

營由平壤過江三十里屯駐夾據江險安州駐馬步二營以顧後路餘營暫駐平壤俟後添各軍到再分別大舉前進必須分爲三路由黃州一路爲正兵攻敵另派兵至兔山平山一路襲日後路分其兵力祥原一路須添兵旣分防元山日援並可繞道進永平嘉平抱川此路如有萬人可直抵韓京則開城長湍臨江日兵不戰卽退矣鴻查所籌情形尙爲周密惟現在各軍不敷分布新募各隊如姜桂題程永和衛汝成趙懷榮皆未成軍聶士成擬回直募隊亦難集事至奉調晉豫各隊每省約二千人正定鎮徐邦道宣化鎮王可陞馬步四營均在途一時難猝集葉提督擬俟兵齊秋收後合力前進云八月初一日

臺撫邵友濂奏籌備海防及布置情形並懇撥的欸摺

福建臺灣巡撫邵友濂奏爲遵旨籌備海防謹陳全臺布置情形并懇
飭撥的欸以資接濟事竊臣於光緒二十年六月初一日准北洋大臣
李鴻章五月二十九日電稱二十八日密諭南洋各海口均關緊要臺
灣孤懸海外日兵曾至番境尤所垂涎並密諭各該督撫不動聲色預
爲防備勿稍大意六月二十二日又准總理衙門電稱奉旨日人要挾
無理恐難就範臺灣重地亟須預籌戰備福建水師提督楊岐珍着譚
鍾麟傳知該員酌帶兵勇迅速渡臺會商邵友濂妥籌布置并諭邵友
濂知之六月二十五日又准督臣譚鍾麟轉准總理衙門二十四日電
稱奉上諭南澳鎮總兵劉永福着譚鍾麟飭令酌帶兵勇前往臺灣隨
同邵友濂辦理防務各等因欽此遵經實力籌備并請飭派南洋南琛

威靖兵輪二艘來臺協助飭派新授浙江按察使聶緝槩留駐上海辦理後路轉運事宜除將籌備情形先後三次電請總理衙門代奏外一月以來臣督同營務處藩司唐景崧妥籌防守自朝鮮開釁後日日加嚴所有全臺布置情形敬爲我皇上縷晰陳之臺北據全臺上游基隆滬尾實爲要口蘇澳次之先飭提督張兆連知府朱上泮參將沈桂山各就礮臺酌量形勢分別扼守而地段綿亘港汊紛歧各營不敷分布復於後路節調已革提督李定明一軍前駐滬尾統計駐防三口者舊勇九營新勇一十五營又飭道員林朝棟督率舊勇一營新募三營唐景崧亦陸續募成三營分駐獅球嶺關渡以爲海口策應另於新竹新募一營以顧後路此臺北布置之情形也臺南安平旗后兩口各有礮